

Канон преподобным Сергию и Герману Валаамским

Память празднуем 28 июня (11 июля)

Тропарь, глас 4-й

Евѣнгелія Христова истиннии послушницы явистеся, преподобнии, мир и вся, яже в нем, яко не сущая, преобидевше любве ради Христовы, и в морской остров вселистесе и трудолюбно в нем противу козней невидимых врагов подвизастесе, постом, бдением же и всеночным стоянием плоти своя духу мудре повинули есте. Сего ради от Вседержительных десницы достойныя венцы прияли есте. И ныне Пресвятей Троице предстояще, молитесь, всеблаженнии отцы Сергие и Германе, сохранитися в мире отечеству нашему и спастися душам нашим.

Ин тропарь, глас 1-й

От мирския молвы бегаяще, безмолвия и благочестия рачители, в тихое пристанище Валаама от востока приидосте и в нем, евангельски Христу добродетельми последовавше, на верх совершенства востекли есте, и ныне в торжестве премирном Богозрением наслаждающиеся, всеблаженнии отцы Сергие и Германе, Человеколюбца Бога молитесь, еже спасти всех нас, благочестно вас почитающих.

Канон, глас 4-й

Песнь 1

Ирмос: Трестаты крепкия, Рождейся от Девы, безстрастия во глубине души тричастное потопи, молюся, да Тебе, яко в тимпане, во умерщвлении телесе победное воспою пение.

Припев: Преподобнии отцы наши Сергие и Германе, молитесь Бога о нас.

Солнце Правды – Христе, возсияй ми днесь светом разума Твоего, да светильники наша, Сергия и Германа, сердцем и устами воспою во славу Твою, Владыко.

Преподобнии отцы наши Сергие и Германе, молитесь Бога о нас.

Рекоша в себе святии: бежим пространнаго пути, зане в пагубу ведет, бежим греховных страстей, до ада бо низводят, тесный же путь возлюбим, да наследим жизнь вечную.

Слава: Якоже дождем, слезами землю сердца вашего напаяюще, и, яко солнцем, теплотою молитвы согревающе, добродетелей плоды, Сергие и Германе, винограда Делателю принесосте.

И ныне: Добродетели святых пою и славлю, сам же злая творити, увяи мне, не престаю. Но, Владыко Христе, молитвами Матере Твоея и мене, окайного, от снлености к добродетелей деланию возбуди.

Песнь 3

Ирмос: Не мудростию, и силою, и богатством хвалимся, но Тобою, Отчею Ипостасною Мудростию, Христэ, несть бо свят, паче Тебэ, Человеколюбче.

Преподобнии отцы наши Сэргие и Гэрмане, молите Бóга о нас.

Преслúшав заповедь, праотец сладости райския лишэн бысть, послушанием же святíи вéчную жизнь наслéдовавше, Богозрénием наслаждаются.

Преподобнии отцы наши Сэргие и Гэрмане, молите Бóга о нас.

Тáйное дéлание вáше, безмóлвия любителие, видя Отец Небесный, яко сыны Своя ущедри, благодáтию обогати и на Небесех прослави.

Слава: Чистоты рачители, земныя Ангелы, избранныя сосúды Святаго Дúха, чистое зеркало целомúдрия, Сэргия и Гэрмана чистотою сэрдца почтím.

И ныне: Раб сый чрева, како возмогу́ плоть дúху покорити и чистоту́ а́нгельскую стяжати? Но, о девственных похвалó, Пречíстая! Ты из плéна сегó избáви мене, несмысленнаго.

Господи, помилуй (трижды).

Седален, глас 3-й

От шúма житейских волн удаляющесе, во óстров Невá пóнта с востóчных стран приидóсте, идеже ни глубина́ страстéй, ни бúря духóв протíвных твёрдостию умá вáшего, Сэргие и Гэрмане, не возможе поколебáти, но пóдвигом дóбрым, в безмóлвии подвизáющесе, благоугóдни Христú явистесе, Егóже ны́не предстояще Престóлу, мольбу́ сотворите, да призирает вьну́ милосéрдным óком Своим на мéсто селения вáшего, спаса́я в мíре дúши нáша.

Слава, и ныне: Не от Ангел, ни от человек, но от Твоего Сына, Владычице, Творец Ангелов и человек, кроткаго и смиренного сэрдцем Иисúса, смиренíю удо́бь навы́кнути могу́ и не прилежу́: увы́ мне! горд сый, презóрлив и непокорив прíсно от нерадения моего́ являюся. Тя úбо, о Дéво Пренепорóчная, молю́ смиренно́ с тёплыми слезáми, е́же дух кротости и смирения сэрдцу моему́ даровáти, да вку́сит поко́й сладчайший душá моя́.

Песнь 4

Ирмос: Седя́й в славе на Престóле Божества́ во óблаце лéгце, прииде Иисúс Пребожéственный Нетлénною Длáнию и спасе́ зовúщия: слава, Христэ, силе Твоей.

Преподобнии отцы наши Сэргие и Гэрмане, молите Бóга о нас.

Яко лóзы винограда Христова́ сúще, Сэргие и Гэрмане, гроздáми добродéтелей процвётшии, винóм Божéственного весéлия исполните сэрдца́ нáша.

Преподобнии отцы наши Сэргие и Гэрмане, молите Бóга о нас.

Мо́лим вас, яко в радости сúщия праведных, всеблаженнии, всяку печáль и гóресть от душ нáших отгнáти, яко да, радующесе, сла́вим вас.

Слава: Тёмная страстéй бúря востá на мя и свет благодáти сокрывáется от очес моих. Но, о свидетельницы мысленнии! моему́ омрачénию ускорите в пóмощь.

И ныне: Ли́цы Ангелов и преподобных и мы, грешнии, мо́лим Тя, Благоутрóбне Гóсподи, предста́тельством Мáтере Твоея́ ущедри и спаси́ всех нас.

Песнь 5

Ирмос: Нечестивии не узрят славы Твоея, Христэ, но мы Тя, Единородне, Отеческия Славы Сияние Божества, от нощи утренююще, воспеваем Тя, Человеколюбче.

Преподобнии отцы наши Сергие и Германе, молитвe Бoга о нас.

Крайним безмолвием, молитвою же, и постом, и бдением души своей очистивше, пустыннолюбцы Трисияннаго Света приятелище соделашася.

Преподобнии отцы наши Сергие и Германе, молитвe Бoга о нас.

Не якоже трости, ветром колеблемыя, но яко твердии столпы, Сергий и Герман, на краеугольном камени, Христэ, верою утвердившеся, добродетельми просияша.

Слава: Иоаннову житию в пустыни Иорданове и Илиину безмолвию на горе ревнующе, преподобнии, страстей ига деянием свободждшеся, Богозрением просветишася.

И ныне: Ты покров мой от напастей вражиих, Владычице, Ты свет сердцу моему, печальми житейскими омраченному, присно буди, Богородице, и спаси мя.

Песнь 6

Ирмос: Приидох во глубины морския, и потопила мя есть буря многих грехов, но, яко Бог, из глубины возведи живот мой, Многомилостиве.

Преподобнии отцы наши Сергие и Германе, молитвe Бoга о нас.

Яко жертву непорочно и всесожжение тучно, принесоша себе святии Богу, и, паче всякаго всеплодия жертвы и приношения, благоугодни Ему явися.

Преподобнии отцы наши Сергие и Германе, молитвe Бoга о нас.

Умными очима зряще пред собою Господа, Богоблаженнии, непорочно шествовали есте по стезям заповедей Его, утверждени имуще нозе благодатию Святаго Духа.

Слава: Не имейте покоя боголюбивый дух ваш, Сергие и Германе, дондеже не обретете себе место безмолвия. В том бо верою и любовью с Богом соединившеся, вечный покой наследовате.

И ныне: Не китом, якоже Иона, но грехом пожрен сый, вопию: Владыко Христэ! Молитвами Пречистыя Твоея Матере и преподобных отец от исления мя избави, яко Благоутробен.

Господи, помилуй (трижды). Слава, и ныне:

Кондак, глас 4-й

От мирскаго жития изшедше, отвержением мира Христу последовате, и достигате великаго Невя езера, и, в нем на острове Валааме всельшеся, равноангельное житие пожили есте, отонудуже, веселяшеся, прешли есте к Небесным чертогом. И ныне со Ангелы Владычню Престолу предстояще, поминайте нас, чад своих, яже собрали есте, Богомудрии, да радостно от души вопием: радуйтесь, Сергие и Германе, отцы преблаженнии.

Икос

Како, неразумен сый, воспою постники всехвальныя? Слово бо премудрости и слово разума несть дано ми, безсловесием одержиму сущу. Ты Сам, смысла Подателю, Иисусе, Премудрость вечная и Слово Божие Ипостасное, молитвами преподобных ум мой просвети и даруй слово, да гласом ангельским воспою их,

глаголя: радуйтесь, звёзды мысленныя, от востока нам возсиявшия; радуйтесь, безмолвия любители всеизряднии. Радуйтесь, Христовых заповедей делатели непорочнии; радуйтесь, златии сосуди, Духом Святым исполнении. Радуйтесь, столпи одушевленнии, здание постничества утверждающи; радуйтесь, крини, чистотою сердечною, аки снегом, убеленнии. Радуйтесь, маслины, от Христа нам елей милосердия плодоносящия; радуйтесь, верным поборницы, молитвенным копием сопротивныя поражающи. Радуйтесь, целители телесных немощей и страстей душевных; радуйтесь, ускоряющи в помощь обуреваемым и вам молящимся. Радуйтесь, Валааму светила велия и пресветлая. Радуйтесь, Сергие и Германе, отцы всеблаженнии.

Песнь 7

Ирмос: Юноши три в Вавилоне, веление мучителево на буйство предложше, посреде пламене вопияху: благословен еси, Господи, Боже отец наших.

Преподобнии отцы наши Сергие и Германе, молитесь Бога о нас.

Огню сущу в вас, Сергие и Германе, Божественныя любви, пламень похоти и огонь ярости претворися в росу. Тем, радуящеся, в безмолвии воспеваете: благословен еси, Господи, Боже отец наших.

Преподобнии отцы наши Сергие и Германе, молитесь Бога о нас.

Плоти своей, якоже златому идолу отроцы, преподобнии не послужиша, но, апостольски распинающе ю со страстьми и похотьми, покорися духу и, храмы честни сотворшеся Святому Духу, зываху: благословен еси, Господи, Боже отец наших.

Слава: Яко чистоты хранители, чистейшему Божеству вместилище соделашася, любомудрии, и, во плоти сущи, тайнодействием Утешителя к премирных зрению восхищася, поюще: благословен еси, Господи, Боже отец наших.

И ныне: Яко Матерь Безначальнаго Бога Слова сущую, Тя, Владычице, прошу умиленно от безсловесных страстей избавити мя, яко отроки от пещи халдейския, да с ними, радуяся, воспою: благословен еси, Господи, Боже отец наших.

Песнь 8

Ирмос: Избавителю всех, Всесильне, посреди пламене благочествовавшия, низшед, оросил еси и научил еси пети: вся дела, благословите, пойте Господа.

Преподобнии отцы наши Сергие и Германе, молитесь Бога о нас.

Бодренным умом трезвением и теплым ко Христу молением, диавола, яко льва рыкающаго и ищущаго кого поглотити, преподобнии посрамиша, страстныя того прилоги отсечше. Тем со отроки пояху: вся дела, благословите, пойте Господа.

Преподобнии отцы наши Сергие и Германе, молитесь Бога о нас.

Вся орудия Божия Сергий и Герман воспримше на горах Валаама, якоже Моисей и Аарон, воздеянием умом и рук на высоту, сопротивных силу, верным споборствующе, ослабиша, поюще песнь: вся дела, благословите, пойте Господа.

Слава: Безначальная, Вседержительная, Единосущная Святаа Троице, молитвами преподобных Твоих от трех мысленных врагов борений души наша избави, помилуй и спаси всех, благочестно Тя исповедающих.

И ныне: Богоугодно пожившим последовати мене сотвори добрыми дела, Всенепорочная, потребляющи от души моея прилоги лукавых демонов и возводящи присно ум мой к зрению заповедей Сына Твоего и Творца моего.

Песнь 9

Ирмос: Ева ўбо недўгом преслушания клятву вселила есть; Ты же, Дѣво Богородице, прозябѣнием чревоношенія мірови благословіе процвелá еси. Тем Тя вси величаѣм.

Преподобнии отцы́ наши Сѣргіе и Гѣрмане, моліте Бóга о нас.

На твёрдом вѣры камени благодатию утверждѣни сўще, в безмóлвии подвизáющесе, течѣние пóстничества дóбре скончáвше и мздовоздáяние от Христа́ приімше, Тому́ ныне молітесе, всеблажѣннии, в вѣре и добродѣтели вѣрных Своіх утвердїти.

Преподобнии отцы́ наши Сѣргіе и Гѣрмане, моліте Бóга о нас.

Яко победители мысленных врагов, Сѣргіе и Гѣрмане, предстояще ныне Престо́лу Небѣсных Сил Царя́, моліте благасть Его́ правосла́вным на сопостáты побѣду и одолѣние даровати.

Слава: В Небѣсных сўще обителех, преподобнии, Влады́ку всех моліте страну́ нашу и вся грады и страны́ христиáнскія в міре сохранїте и вся ны спасти́, благочѣстно вас почитáющія.

И ныне: Ка́мень краеуго́льный, Христóс, вѣрным есть основáние, невѣрным же – ка́мень претыкáния и собла́зна. На сем Ка́мени, Влады́чице, утвердї моѣ помышлѣние и спасї мя, яко к Немú имúщая мáтернее дерзновѣние.